



«Skisafari Surselva» sco project da pilot

Otg dis vacanzas e la pussaivladad dad ir cun skis mintga di en in auter lieu tranter Sedrun e Flem.

5



Demonstraziun da falcunaria

Ina nova attracziun turistica è vegnida preschentada a Savognin: Ina demonstraziun da falcunaria.

8

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch



Barbara Janom Steiner ha surdat ad Arno Kompatscher la bronzina chi simbolisescha il presidi da l'Arge Alp.

FOTO F. ANDRY

L'importanza da la scolaziun in muntogna

■ (anr/fa) A la 49avla conferenza da la cumünanza da lavur da las regiuns alpinas Arge Alp a Scuol han ils preschaints s'occupats eir da la fuormaziun. Els han l'intent da collavurar eir in quel regard sur cunfin. Las scheffas e'ls scheffs da las regenzas chi fan part da l'Arge Alp han discuss e deliberà in Engiadina Basa trais resoluziuns. La prüma voul procurar cha'ls pajais alpins

intensiveschan amo la promoziun da l'energia idraulica. Lura han ils preschaints, tanter quels la cugliera guvernativa Barbara Janom Steiner, deliberà üna resoluziun per rinforzar las sportas da scolaziun illas regiuns alpinas. Ed ün'ulteriura resoluziun ha il böt da regular las populaziuns da lufs in muntogna.

> PAGINA 7

Ils tiradurs grischuns han brigliau

Ier ei il Tir cantunal Grischun 2018 ius alla fin

DA GIUSEP VENZIN / ANR

■ Suenter endisch dis da fiasta ei il Tir cantunal Grischun 2018 ius alla fin la dumengia cullas concurrenzas dils victurs. A Mustér/Fontanivas ein ils tiradurs semesirai culla pistola e leu ha Elmar Falett dalla Val Müstair gudignau culla pistola sin 25 meters ed Andreas Kissling da Soloturn sin 50 meters. Els finals pil victur da fiasta dil suentermiezdi ein ils tiradurs culla buis semesirai. Silla distanza da 50 meters han ils dus emprems dalla qualificaziun dau forfait – Pascal Bachmann seconcentrond sil final culla buis sin 300 meters. Aschia ei Lars Färber dils Tiradurs Sportivs da Domat sco tierz dalla qualificaziun staus il favorit. Alla fin ha el duvrau in siet da precisin per gudignar il tetel. Cnn 10,6 ha el surpriu cul pli davos siet la testa.

Sin 300 meters ein 579 tiradurs e tiradurs separticipai alla lutga dil victur da fiasta culla buis d'ordonnanza e 228 tiradurs culla buis da sport. Mintgamai otg ein separticipai alla lutga finala.

Era culla buis d'ordonnanza ha il davos siet stuiu decider la



Pascal Bachmann (300 m. elita), Alessandro Rota (300 m. ordonnanza) e Lars Färber (50 m. elita) ein ils victurs dil 25avel Tir cantunal Grischun en Surselva.

FOTO G. VENZIN

victoria. Cun in 98 ha il Bergagliot Alessandro Rota – igl otgavel dalla qualificaziun – schau negins dubis da sia victoria.

Dapli tensiun che al final dalla categoria 30 meters elita ei

strusch pusseivel. Georg Maurer da Favugn ha surpriu il tgamun ed ha tenuu quel bunamein tochen alla fin. Siu contrahent, il Turitges Pascal Bachmann, in tiradur da 22 onns, ha buca seschau

metter sut squetsch. El cumbat um encunter um ha el giu la megliera gnarva ed ei vargaus el tierz davos siet il tiradur grischun.

> PAGINA 2



La magistra Aglaia Gallmann (a dretta) es gnüda onurada da Barbara Niederhauser per 25 ons fideltà.

FOTOS B. STECHER

25 ons magistra a Tarasp

■ (anr/bcs) D'incuort es gnüda onurada la magistra superiura da la scoula complessiva da Tarasp, Aglaia Gallmann, per 25 ons fideltà. A chaschun da l'exposiziun da las lavuors da las 15 scolaras e scolars da prüma fin sesavla classa ha ella retschevü 25 regalins dals scolars per 25 ons lavur a la scoula da Tarasp. La ra-

preschantanta dal cussagl da scoula Barbara Niederhauser e las magistras collegas han onurà la giubilara. Üna sala polivalenta bain implida s'ha pudü atschertar da la gronda lavur chi vain prestada in ün rom prüv e simpatic. Da la partida d'airan eir scolaras e scolars da Gallmann chi s'han miss in lingia e surdat minchün üna rösa a lur anteriura magistra.

> PAGINA 7

ENGIADINA

L'ischla Panas-ch po gnir revitalisada

(anr/fa) Per cumpensar las intervenziuns in l'ecosistem dal flüm En es la GKI GmbH obliada da prestar diversas masüras ecologicas. Üna da quellas pertocca l'ischla Panas-ch tanter Ramosch e Scuol. Cun realisar l'ouvra cumünai vla En (GKI) tanter Martina e Prutz in Austria vain l'ecosistem dal flüm influenzà in plüs lös. A quist'ouvra cumünai vla sun partecipadas las Ouvras Electricas d'Engiadina SA cun 14 pers-tschient. Ils responsabels dal GKI han examinà ingio chi's pudess cumpensar las intervenziuns i'l ecosistem En. Insebel culs cumüns da Valsot e Scuol hana decis da revitalisar l'ischla Panas-ch. La regenza grischuna ha uossa dat il permess per realisar quist proget. Las lavuors cumainzan da primavaira 2019 e d'üran var duos ons. Els patrunds d'fabrica sun ils cumüns Valsot e Scuol. Els collavuran culla fundaziun Pro Terra Engiadina. Ils cuosts s'amuntaran a passa ün milliun francs. Quels surpiglian il GKI cul sustegn dal naturemade star-Fond da las ovras ewz in Bergaglia e dal chantun Grischun.

Diploms ed attestats

Fiastas da diplom dil Center da formaziun Surselva

DA HANS HUONDER / ANR

■ Miez digl onn ei il temps che las scolas van a fin, era per giuvenas e giuven ch'han frequentau in emprendissadi ni in ulteriuor modul da scola. Il venderdis vargau han las fiastas da diplom al Center da formaziun Surselva giug liug. La scola professiunala commerciala e la scola media han surdau lur diploms ell'aula dalla claustra a Glion, la scola profes-

siunala industrialia ell'aula dalla casa da scola, medemamein a Glion. El center dalla fiasta ein las diplomandas ed ils diplomands stai. Pliras e plirs dad els han terminau lur scolaziun cun fetg aultas notas, vul dir notas el rang. Ad omisdus fiastas da diplom ei denton buca mo vegniu surdau attestats ed arbagias. Schatgs musicals e plaids festivs han completau las fiastas. Alla surdada dils diploms alla scola professiunala commer-

ciala e la scola media ha Jakob Cabernard, meinafatschenta da Cathomas e Cabernard SA, biro fiduziari da Glion, puntuau l'impurtonza dalla perfecziun era suenter igl emprendissadi ed alla diplomaziun dalla scola professiunala industrialia ha la deputada Silvia Casutt-Derungs accentuau l'impurtonza dil Center da formaziun Surselva.

> PAGINAS 4/5



Igl emprendissadi ei termina. La foto muossa las emprendistas ed ils emprendists ch'han finiu la scola professiunala industrialia a Glion.

FOTO H. HUONDER